




Gugger-Fasnacht

GUFA

2022

«Huet ab!»

12. Usgoob



Fam. Ambros Thüring, Weinbau und Brennerei

Wein und Schnaps aus eigener Produktion.
Direktverkauf jeden Samstag von 10 - 12 Uhr
in der «Wylaub» oder nach tel. Vereinbarung.

Hauptstrasse 32, 4107 Ettingen, Telefon 061 722 00 07
info@thuringambrosweinbau.ch /
www.thuringambrosweinbau.ch



Kirchgasse 7
4107 Ettingen

Tel 061 722 08 67
ruchti.gartenbau@bluewin.ch

«HUET AB!»

Liebi aktivi und passivi Fasnächtler und Fasnächtlerinne

Wieder isches e Fasnachtsjoor gsi mit unzählige Hürde ufgrund vo Corona, aber mir wänd nit Triebal bloose, s'isch wies isch. Beschliesse mr doch gmeinsam, dass mr nit dene Sache nochetruure wo meh nit cha mache, sondern dass mir uns an dene Sache erfreue, wo mr zäme chöne gniesse. Us miner Sicht gits dorum unzählige Highlights im aktuelle und vergangene Fasnachtsjoor: d'Gugger hen im 2021 spontan e chleini, unkoordinierti Fasnacht kha, es het drbi diversi coronakonformi Idee gäh. Mir hen e tolli GV zäme verbrocht und zwei neu Mitglieder im Vorstand dörfe begriesse (mir sind jetzt sagehafti 7 Persone!), mir hen e Adiöö-Fasnacht im Rebstock kha, es hen scho diversi Gastgugge füre allfällige Umzug zuegsait und villi chlini wittere Sache.

Aber vor allem freuts mi zgseh, was für e grossi Motivation do isch bi allne Fasnächtler, alli sprudle vor Idee, meh will öbbis aktiv biitragge, das isch für uns im Komitee e ungläubliche Atriib, danke euch. Nur zäme schaffe mirs, unseri geliebt Gigger-Fasnacht über villi witteri Joore lebendig zhalte. Au im Komitee sind mr sehr flüssig und starte vieles neu, danke allne mine Komiteegspänli, es macht ungläublic Spass mit euch. E ganz bsundere Dangg gilt in däm Joor unserne Abzweiche-Ladys unter dr Leitig vo dr Pascale. Scho sit 10 Joor macht d'Pascale das jetzt, ich dangg dr sehr drfür. E grosses Lob an euri tolli Arbet und dangge für die unzählige Stunde, wo dir jedes Joor für unseri Fasnacht ufwändet. Und wenni mi grad scho am bedanke bi: Dangge minere Frau dr Mimi, dass mi so oft duesch entbähre für d'Planig vo dr Fasnacht bsunders in dene Corona-Joore, ohni di würeds nit go.

Mir wüsse nonig wie d'Fasnacht 2022 wird wärde, aber mir sind sicher, es git wieder unzählige wunderbari gmeinsami Moment. Mir mache alles drfür, euch und uns das z'ermögliche, unseri aktuelle Plän sehnd dr in däm Heftli. Wie am Afang erwähnt, freue mr uns uf das wo wird cho und truure mr nit z'lang im andere noche, sondern luege positiv füure. Ich persönlich freu mi wahnsinig uf d'Fasnacht 2022, bis bald.

Eure Präsi Pascal



www.multi-montagen.ch

Ihr Spezialist, wenn es um Tore, Türen und Fenster geht

10% Neukunden-Rabatt

Multi Montagen GmbH – Kirchackerweg 11 – 4145 Gempen



HÖRMANN

GENERALVERSAMMLIG 2021

GV vom 10. Septämber in dr Aula vom Schuelhuus:

I däm Joor hänn mir unseri GV, Corony-sei-Dank, nid im gwohnte Rahme chönne abhalte. Scho bi dr Planig hämmr festgstellt, mr bruuche meh Platz. Drum hämmmer uns am Fritig zoobe alli in dr Aula vom Schuelhuus troffe. Rund 50 Fasnächtlerinne und Fasnächtler sind em Ufruef gfolgt. Für die hochi Beteiligung bedanke mir uns hätzlich. Me het gemerkt, es sinn alli neugierig wie das wytergoht mit unserer Fasnacht.

Nachdäm die erste paar Traktande zügig über d' Bühne broocht worde sinn, und au d' Rächign churz und knackig gnähmigt worde isch, simmer zum Jooresprogramm für d' Fasnacht 2022 cho. Dr Präsi het vrzellt, dass mir fürs 2022 in Erwägig müen zieh, e Umzug mit 3G z'plane. Es isch um s' Subventionereglemänt gange, was mr aqapasse wänn, und über e neuu GuFa-App abgstumme worde, wo knapp ahgnoh worde isch. Mir hänn chönne kommuniziere, dass scho im Septämber 2 Gastgugge füre Umzug fix zuegezeit hänn und, dass mir bis jetz e ganz normali Fasnacht plane. Au s' Thema Beizestärke und Verpfällig an dr Fasnacht het miese diskutiert wärde.

Nach dr Genähmigung für s' Budget hämmmer unsere langjährige Kassier, dr Michel Simon dörfe vrdanke und usem Amt verabschiede. Nach 6 Joor als Kassier wird är uns wyterhin im erwyterete Vorstand mit dr Websyte und de BiBo-Texte unterstütze.

Zu de Wähle: Zur Wiederwahl ufstelle loh hänn sich dr Pascal Meury, d' Pascale Bebox, d' Sandra Ruchti, d' Sylvia Schneider und myni Wenigkeit. Neu gwählt worde isch dr Dominik Stiefel als Kassier und, jetz au offiziell, dr Fabio Cardinale als Maskeprämierigs- und Marketingverantwortliche. Nach dä Wähle isch dr offiziell Teil fertig gsy und mr sinn zum gmüetliche Teil übergange. Binne guete Znacht und em ein oder andere Glas hämmr dr Oobe lo usklinge loh.

Ich bedank mi nomol bi allne Ahwäsende sowie au bi de aktive und passive Fasnächtlerinne und Fasnächtler wo immer tatkräftig ihre Bytrag zu unserä schöne Fasnacht leiste und uf e schöni Fasnacht 2022.

Eure Vize Marcel

Metzgerei Schulthess AG

Ihr Basler Regio-Metzger

St. Galler-Ring 174, 4054 Basel
Telefon 061 301 85 55

metzgereischulthess@bluewin.ch
www.metzgerei-schulthess.ch



**Warum in die Ferne schweifen,
wenn das Gute liegt so nah!**



schwyzer bau

Hofstetten Tel 061 733 77 33



PAUL THÜRING
Malergeschäft

Paul Thüring · Malermeister

Witterswilerstrasse 17 · 4107 Ettingen

Tel. 061 721 75 87 · Nat 079 776 53 01



zimmerei stöcklin
Holzbau und Bedachungen
4107 Ettingen Tel. 061 721 12 38
www.zimmerei-stoecklin.ch

kälte ag
basel

Kälte - Klima - Energietechnik



Grabenackerstr. 8B·CH-4142 Münchenstein

www.kaelte-basel.ch info@kaelte-basel.ch

Tel.: +41 (0)61 706 97 00

Industrie-Kälteanlagen
Kühl- und Tiefkühlmöbel
Weinkellerkühlgeräte
Elektro-Wärmepumpen

Gewerbliche Kälteanlagen
Kühl- und Tiefkühlzellen
Klimageräte

Wikinger Glüewy Lady's

Mir verkaufe an unserem Stand
Ässe und Drinks währendem
Fasnachtsumzug bi dr Tierarztpraxis.
Chömed verby!

(Glüewy gits, wenna ganz chalt isch)



GUTZWILLER
GARTENBAU

Walter Gutzwiller GmbH
Drosselstrasse 21 | 4106 Therwil
Tel. 061 721 37 88
www.gutzwiller-gmbh.ch

MIR SAGE: HUET AB!

Au wenn uns d'Pandemie mittlerwäile scho e Zitli begleitet, so herrscht in dr Stube vo dr Pasci immerno Fasnachtsstimmig. Während d'Cligue nit wüsse, ob Sie d'Farb füre Waage sölle chaufe und Bänggler nit wüsse, ob si ihri Stimme sölle ihsinge – Unseri Abzeiche-Ladys mache witer wie bishär. Au das Joor glänzt Ettige mit de schönschte Abzeiche im ganze Leimetal. Mir wärde das Joor mit oder ohni Fasnacht stolz unseri Huetli zeige, in allne Farbe und Verzierige, und sage Huet ab! D'Idee vom disjöörige Abzeiche chund vo dr Alma Altinier wo das tolle Huetli etworfe und somit dr Abzeichewettbewerb gwunne het!

Viel Pet-Fläsche-Deckeli hend si müesse sammle und ganz viel höckle. Am meiste hän si aber müesse liime. E müehsami Sach, mit däm Liim an de Finger. Aber es het sich uf jede Fall ghohnt.

Dass mir das Joor e bsunders schöns Abzeiche hän, het aber e Grund. Und wär mitzellt het, dä weiss au wieso. Es isch nämlig s 10te Joor wo d'Pasci s'Team vo de Abzeiche-Ladys leitet und si mit Cüpli versorgt. 10 Joor baschtle, chlabe und tratsche. 10 Joor schöni Abzeiche und 10 Joor tolli Erinnerungige. Ich dänk mir vom GUFÄ chönne de Abzeiche-Ladys und vor allem dr Pasci im Name vo ganz Ettige danke sage füre die tolli, super, grandiosi, famosi, fantastischi, [do alli mögliche tolle Adjektiv iisetze] Leischtig! Und dorum sage mir: Huet ab!



Z'Basel frooge si sich: «Bassts no?»; do hän mir kei Problem: e Huet passt immer! Füre die wo sich nüm an alli Abzeiche us dr Ära «Beboux» chönne erinnere, hämer uf dr nöggste Site e Zämmestellig gmacht, damit alli die tolle vergangene Fasnachte wieder vor Auge hän. Viel Spass bim Zruggerinnere!

2017
«Mir jubiliere»



2018
«Mir sin begeischeret»



2019
«Mir hän e Ohrwurm»



2020
«Mir bruche Brüüchi»



2021
«Mir hän gnueg...!»



2012
«Mir schlägen'en äwäg, äwäg, äwäg ... äwäg»



2013
«Si lüüchte überoll»



2014
«Mir hän e Gnusch»



2015
«Mir hebe ab»



2016
«Mir chapale is nid ab»



Thüring

Schreinerei AG

2-fach gueti Schreinerarbeite

JACOB Y
moebel



FUSSPFLGESALON
NICOLE SCHNEIDER-MUSTER

Hauptstrasse 22

4107 Ettingen

Tel. 061 721 25 35

MIR STELLE VOR: D'NOODLEKILLER

Für e Waagebau isch zwenig handwärlchlichs Gschick umme und dorum hän mir uns im 2017 an d'Näimaschine gwogt. Nach einige Wuetafall und kaputtige Noodle het sich unsere Cliquename vo eiei ergäh. Zu viert hän mir denn im 2018 unseri erschti gmeinsami Fasnacht gmeisteret. D'Lisa, d'Laura, d'Julia und d'Nora sin d'Startläuferinne vo dr Noodlekiller Clique.

Miteme chline Wägeli sin mr an dr Hauptstross positioniert gsi und hän heissi Getränk zum ufwärme und für die gueti Luune vrteilt.

Im 2020 hän mir e weitere Schritt gwogt und expandiert. So am Wägrand stoh isch uns no zwenig Fasnachtsfeeling gsi. Dorum isch unser Wägeli jetzt au am Umzug mitgfahre und nid nur am Strosserand gstande. Stolz sin mir als Näiamateure aber nit ufs Leiterwägeli sondern vor allem uf unseri sälbergmachte Koschtüm, für die mir viil Ziit bruche zum alli unseri Idee umsetze und um zume richtige Augegucker zwärde.

Im 2020 hän mir au zwei neuu Mitglieder d'Ana und d'Jessica dörfe willkomme heisse. Unsere neuste Cliequezuewags d'Lena isch sit Endi 2020 debi und het trotzdem no an keiner Fasnacht dörfe glänze. In dr Zwüschezit sin mir also zu siebt und in de Startlöcher für d'Fasnacht 2022.



COIFFURE

TEAM

hauptstrasse 26
4107 ettingen

tel. 061 721 21 11
www.coiffureteam.ch



Wir bringen Farbe in Ihr Leben.

Seit über 40 Jahren.



061 721 15 11 info@gutzwiller-ag.ch www.gutzwiller-ag.ch



bsp-shop.ch

Baselstrasse 21
4243 Dittingen
Schweiz

061 763 75 75
info@bsp-shop.ch

JUBILÄUMSLIQUE:

Mir sin d'Schorniggeli, sin sitem 2012 do,
mir hän unser 10 jöörigs Jubiläum, do sin mir mega froh.
Mit siesse 13 hän mir ahgfange Schnitzelbängg singe
und dien sit däm, d'Lüt zum Lache bringe.

Es war einmal ein Ungi lilalla
bi ihm chasch 10% uf Rasemeiher ha.
Mir hän scho frieh welle sälber aktiv an dr Fasnacht mitmache
do isch dr Ungi cho und het nur lut glache.
Ihm bewiese hämmers wellä
um churzdruf unser erschts Kostum z'bestellä.
Är het uns das denn finanziert
und scho isches passiert.

Ei Joor spöter, hämmers ohni d'Lea nid welle mache
und drum bringe mir euch, als Trio zum Lache.
Als die drei Thürings ziehn mir sithär durch d'Beize
und wänn d'Stimmig ahheize.

An dr erschte Fasnacht hän mir denn mit viel Gnuss
Wie die Grosse d'Fasnacht verbrocht voruss.
Unseri Mami's hän uns dä Spass aber gli scho gno
und uns nach dä 12 ii nüm uff d'Stross use gloh.

Wo mir s'erscht Mol sin go singe
hän mir dä Lüt unsere Name welle nöcherbringe.
Mir sin vo Beiz zu Beiz zoge,
zum d'Lüt genau das z'froge.
E Schorniggeli, das hän die meischte nid kennt
und dass es ä chleins unriefs Chirsi benennt.



10 JOOR SCHORNIGGELI

Am Ahfang hän mir s'Reime unsere Eltere überloh
und um ehrlich z'sii, hän mir au d'Pointe nid immer chönne verstoh.
Grad die primitive Sache, wo d'Lüt hän am meischte müesse lache,
hän mir nid so richtig chönne fasse.
Jetzt simmer keini siesse 13 meh
und schriebe unseri eigne Bängg, juhee!

E Schnäppli do, e Bierli döt, mir nämme gärn mol ein
und chömme, au ohni Bsuech im Gebüsch, nachdem Jeker guet heim.
Nid viel Schlof, scho gots witer,
unser Usseh und Stimme wärde langsam schiiter.
Dringsch viel Häxäbäse,
chasch nüm richtig läsä.
Bis es den chunnt e so,
das di d'Stimmm duet verloh.

Das alles isch Ettiger Fasnacht und no viel meh,
am Fasnachtsfilm chasch denn alles nüechtern nomol gseh ...
Dä Film hämmer au mol dörfe mache,
und hän uns drüllt vor Lache.

Mir freue uns mit allNe Fasnächtler ufs witerä gemeinsame Singe,
wo mir zämme d'Ettiger Fasnacht chönne verbringe.

D' Schorniggeli



GARAGE STÖCKLI AG


Opel Isuzu CarXpert



ISUZU

CARXPERT

*Perfektion
bis ins Detail*



E. DOLLINGER SPENGLEREI
Nachfolger Andreas Thüring

Im Stückgarten 1
4107 Ettingen
T 061 721 33 41

- Spenglerarbeiten
- Verkleidungen
- Velux Fenster
- Flachdacharbeiten
- Abdichtungsarbeiten mit Flüssigkunststoff
- Dachservice
- Dachreinigung
- Dachkontrollen

www.dollinger.ch

NEU IM KOMITEE: KASSIER

Name: Dominik Stiefel Clique: Die Muskeltiere
Chinesischs Stärnzeiche: Tiger
Wenn ich e Tier wär, denn wär ich: E Katz
An dr Fasnacht findsch mi: Uf dr Gass oder inere Bar
Ich freu mi uf: ändig wider Fasnacht
Mi Fasnachtsmotto isch: gniesse
An dr Fasnacht bschtell ich: e Meggy Weggli
E chlini Wiisheit vo mir für ufe Wäg: skunnt wies kunnt und so wies kunnt, kunnts äbe guet
Ich zieh dr Huet vor: allne wo sich für d'fasnacht isetze



NEU IM KOMITEE: SCHMUDOMA

Name: Fabio Cardinale Clique: Chaosspidde
Chinesischs Stärnzeiche: Drache
Wenn ich e Tier wär, denn wär ich: E Leu
An dr Fasnacht findsch mi: Irgendwo in der nägschte Pizzeria? ;)
Ich freu mi uf: Stimmig im Dorf
Mi Fasnachtsmotto isch: Am 6 bim Beck, numme ich schaffs nie
An dr Fasnacht bschtell ich: Meggweckli
E chlini Wiisheit vo mir für ufe Wäg: Läb di Traum
Ich zieh dr Huet vor: Vor allne in dere Zyd



CORONA-SCHUTZKONZÄPT

-  Für alli offizielle Komitee-Aläss, wo chönne duregführt wärde, gilt Covid-Zertifikatspflicht und s'Trage vom Fasnachtsabzeiche isch Pflicht.
-  Mir empfähe s'Fasnachtsabzeiche scho im Vorus z'chaufe will dr Tagesverkauf wo de Abzeiche nid gwährleistet isch.
-  S'Komitee haltets sich frei, d'Abzeiche das Joor biz tüürer z'verchaufe, damit d'Koschte vom umfassende Schutzkonzäpt chönne abgfäderet wärde.
-  Awohner vom abgesperrte Feschtgländ (Sunntig und Zistig) wärde vorgängig no persönlich vom Komitee aagschribe und informiert.
-  Es wird sicher e Bändelikonzepth gäh zum d'ligangskontrolle z'vereifache (dir kennets villlicht vo dr Herbstmäss).
-  Vorab isch e Pre-Checkin plant wo alli wo 2G erfülle im Vorus scho chönne e Bändeli go hole.
-  Bändeli gits numme mit gültigem Covid-Zertifikat und bi vorzeige vome amtliche Uswiis.
-  Bi de Aläss gits definierti Kontrollpunkt wo durch offiziells Personal überprüeft wärde und dr Zuetritt isch numme über die Kontrollpunkt erlaubt.
-  Persone wo mittels Covid-Tescht e Zertifikat hän, bechömmen e Tagesbändeli wo numme innerhalb vom Feschtgländ gültig isch.
-  Zuesätzlich gälte die allgemeine Hygiene- und Abstandsregle.
-  S'GUFA-Heftli isch Mitti Januar in Druck, alli Bestimmige chönne sich somit no ändere. Aktuell Info wärde via BiBo und gufa.ch kommuniziert.
-  Mir empfähe au gimpfte und/oder gnesene Persone e Covid-Tescht (z. B. Sälbsttescht) z'mache bevor me an e Aläss goht.
-  Mir empfähe bi Menscheasammlige s'trage vonere Schutzmaske.

Euers Itrittsbillet für alli offizielle Veranstaltige:




gültigs Covid-Zertifikat



Fasnachtsabzeiche 2022

DORFPLAN



FASNACHTSSUNNTIG

-  «Feschtgländ»
-  Absperrig (Kei ligang/Usgang)
-  ligang und Usgang für Aktivi und Bsuecher mit ligangskontrolle

TRÄFFPUNKT

-  Gmeiniplatz
-  Pub zum scharfe Egg
-  Restaurant Bahnhöfli
-  Ristorante L'Incontro
-  Restaurant Altane
-  Wiker Glüewy Lady's
-  Ambros
-  Banane-Bar
-  Waggisbar
-  Noodlekiller

BEIZE / BARE / GLÄGEHEITSWIRTSCHAFTE

-  Restaurant Bahnhöfli
-  Ristorante L'Incontro
-  Restaurant Altane
-  Pub zum scharfe Egg
-  Wiker Glüewy Lady's
-  Ambros
-  Banane-Bar
-  Waggisbar
-  Noodlekiller

klixa

IT-Support – au am vieri am Morge.

0800 55 11 11

KLIXA.CH – WIR MACHEN IT.

KLIXA AG / EPTINGERSTRASSE 41 / 4132 MUTTENZ

Sonntag offen

in Ettingen

jeden Sonntag offen
08.00 bis 12.00 Uhr



BÄCKEREI KONDITOREI CAFÉ

J E K E R



Wo Feines entsteht

BÜSSERACH | NUNNINGEN | BRISLACH | ETTINGEN
061 781 13 09 | 061 791 14 30 | 061 783 83 33 | 061 721 14 77

Wo
Schönes
entsteht.

brodmann^oag

wir malen, tapezieren und isolieren

brodmannag.ch
4107 Ettingen

FASNACHTSPROGRAMM

S ufglischtete Programm isch provisorisch und cha durch aktuell Bestimmige nomol völlig übere Huffe gworfe wärde. S aktuelle Fasnachtsprogramm entspricht de derzittige Schutzbestimmige. Für churzfristigi und gnauere Infos chönne dir each churz vor dr Fasnacht nomol uf gufa.ch oder im BiBo informiere.

DORFDEKO UFHÄNGGE

Samstig, 12. Februar

10:00 Uhr: Dorfdeko ufhängge, Träffpunkt bim Ruchi Gartebau.

Achliessend goht me ans Bööleli, wo s'Komitee de Hälfer eine usgit.

BÖÖLELI

Samstig, 12. Februar

Es isch mol no plaant, ab 12:00 Uhr im Guggerrhuus. Ob's wirklich stattfindet, wird sich churzfristig zeige.

GUGGERZYTLI

Frigit, 18. und Samstig, 19. Februar in dr Aula. llass nur mit Zertifikat.

Tickets chame vorbestelle bi: guggerzytli@bluewin.ch

SCHMUTZIG DONNSTIG

Donnstig, 24. Februar

Dr Schuelumzug isch scho länger abseit und d'Maskeprämerig müemr leider au absage. Es wird e individuell Beizefasnacht gäh.

FASNACHTSSAMSTIG

Samstig, 26. Februar

Do cha jede mache wienr wott, vom Komitee isch kei Alass plant.

FASNACHTSSUNNTIG

Sunntig, 27. Februar

14:30 Uhr: Fasnachtsumzug entlang dr Hauptstross. Dr Dorfkärn wird abgsperrt und es git Zuegangskontrolle mit Zertifikat. S'Feschtgland blibt sicher bis 20:00 Uhr für dr Verkehr gsperrt.

Es bsueche uns als Gascht-Guggene: d'Schänzli-Fäger, d'Stachelbeeri, d'Glaibasler Schränz Brieder und d'Gwaageschränzer

Achliessend: Beize-Fasnacht mit Schnitzelbängg (kei offizielle Komitee-Alass me)

KINDERFASNACHT

Mäntig, 28. Februar

13.30 Uhr: Konfettischlacht ufm Gmeiniplatz

Achliessend: gits e chliine Umzug durchs Dorf. Am Schluss trifft me sich ufm Schuelhuusplatz und es git e eifachs Kinderprogramm dusse. Natürlich mitem obligate Zvieri-Weggli.

Zobe: Beizefasnacht mit Schnitzelbängg (kei offizielle Komitee-Alass me)

GUGGER OBE 2022: FASNACHTS-MEILE IM DORF

Zistig, 1. März

ab 19:30 Uhr: Fasnachtsmeile mit zwei Bühne zmitzt im Dorf. Verschiedensti Gugge-Konzärt, Beizli und diversi Fasnachtswäge nomol uf dr Hauptstross ufgestellt. Witeri infos uf dr nöggste Doppelsite! Dr Dorfkärn wird abgsperrt und es git Zuegangskontrolle mit Zertifikat. S'Komitee wird sich in erster Linie mol uf d'Durchführig vom Fasnachtsumzug konzentriere. D'Durchführig vo dr Fasnachts-Meile isch no sehr unsicher.

FASNACHTSFÜÜR

Sunntig, 6. März

Ob s'Fasnachtsfüür stattfindet, chönne dr churz vorhär im BiBo nocheläse.

19:00 Uhr: Träffpunkt bim Coop Parkplatz, Fackelumzug ufe Rähübel. Dört wird s'grosse Fasnachtsfüür azündet und Schiibli gschosse.

DORFDEKO ABHÄNGGE

Samstig, 12. März

10:00 Uhr: Dorfdeko abhängigge, Träffpunkt bim Ruchi Gartebau.

Achliessend git s'Komitee de Hälfer eine us!

SCHLUSSOBE

Samstig, 21. Mai

19:00 Uhr: Dr neu Fasnachtsfilm wird in dr Turnhalle präsentiert und vorab no dä vom 2012. Beiz und Bar durch d'Hopfegranate.



Die offizielle
Komitee-Aläss
hämer do mitme
Konfetti markiert.

GUGGER OBE 2022: FASNACHTS-MEILE IM DORF

Wie vor zwei Joor schomol duuregführt, wärde zwei Bühne zmitzt im Dorf ufgestellt und mit dr Waageburg uf dr gsperrte Hauptstross ergänzt. Verschiedensti Gugge chöme an däm Obe cho spiile und an diverse Ort chame sich mit Getränk und z'Ässe verpflege.

ZYTE

Strossesperri: 18:00 – 24:00 Uhr
Gugge-Konzärt: 19:30 – 22:15 Uhr
Waageburg: 19:30 – 23:00 Uhr

Durchführig vo däm Alass isch uf Grund vo Corona sehr unsicher. S'Komitee wird sich in erschter Linie ufe Fasnachtsumzug konzentriere.


GUGGEMUUSIK

Ufem Programm stöhn das Joor:
d'**Akademiker** (Basel), d'**Fürzugugge** (Rynach), d'**Glori Moore** (Hofstetta), d'**LRG13** (Witterswil), d'**Node-Chaode** (Grenzach), d'**Noote Heuer** (Witterswil), **Se Barzlis** (Bad Zurzach), und natürlich unseri **Gugger-Gugge Ettigä!** Alli Gugge spiile uf beidne Bühne eimol. D'Spilizite wärde denn churz vor dr Fasnacht no bekannt gää.

WAAGECLIQUE

Unter anderem drby sin unseri All-Time-Klassiker: d'**Houli-Mouli**, d'**Chaospidole**, **die Drümlige**, d'**Sirenehüüler**, d'**Plauderi**, d'**Hopfegranate**, dr **Joorgang** und villicht au no anderi Waageclique wo sich spontan entscheide. Wär scho immer mol het welle Waageluff schnuppere, dorf gärn uf die verschiedene Wäage go luege. Wär mitm Waage will drbi si, cha sich bi dr Ameldig füre Umzug uf gufa.ch au für dr Gugger Obe amälde.

**D'GUGGER-GUGGE UND D'WAAGECLIQUE
FREUE SICH UF VIELI BSUECHER!**



LEGÄNDE

- Bühne 1+2
- «Feschtgländ»
- Absperrig (Kei ligang/Usgang)
- Einziges Usgang
- Fasnachtswaage
- Pub
- Ambros
- Noodlekiller
- Banane-Bar

DIE LETSCHI FASNACHT IM RÄBSTOCK

12.11.2021





keg-kaelte.com

Brühlmattweg 5
4107 Ettingen
Schweiz
+41 44 594 65 23
+41 79 480 86 86
info@keg-kaelte.ch

BEIZE UND GLÄGEHEITSWIRTSCHAFT

Will dasjoor bekanntlich alles chli anderscht isch als sunst ame, hämer probiert euch do e chline Beize-Füehrer zämme z'baschtle. Alli Agoobe sin ohni Garantie und chönne sich natürlich churzfristig no ändere.

ALTANE

Offe am: normali Öffnigszitte
z'Drinke: Wie inere Beiz halt
z'Ässe: Pizza etc.

AMBROS

Offe am: So, Di
z'Drinke: wie immer
z'Ässe: evtl. am Zistig

PUB

Offe am: offe wenn offe
z'Drinke: Barbetrieb
z'Ässe: no Unklar

WAGGISBAR

Offe am: Sa, So, Di
z'Drinke: Barbetrieb
z'Ässe: Hörnli mit Ghacktem und Frikadelle

L'INCONTRO

Offe am: normali Öffnigszitte
z'Drinke: Wie inere Beiz halt
z'Ässe: Pizza etc.

NOODLEKILLER

Offe am: Di
z'Drinke: Fröschli und Glühewy
z'Ässe: Waffle, Croque-Monsieur
und Thonbrötli

BAHNHÖFLI

Offe am: normali Öffnigszitte
z'Drinke: Wie inere Beiz halt
z'Ässe: Pizza etc.

WIKINGER GLÜEWY LADY'S

Offe am: So
z'Drinke: Gluehwyy

BANANE-BAR

(ehem. Abstinänzler)
Offe am: Do, So, Di
z'Drinke: «The Freaky Monkey»
z'Ässe: Huusgmacht Schoggibanane

JOBCENTER BASELLAND AG



Ihr Stellenvermittler

im Bauhaupt- & Nebengewerbe, Industrie

- Temporärstellen
- Dauerstellen
- Feststellen



Reinacherstrasse 3A
4106 Therwil
Tel. 061 725 10 00
www.jobcenterag.ch

Rolf Basler Bestattungen

Vertrauen. Abschied. Erinnerung.



www.basler-bestattungen.ch

www.rheinbestattung.ch

Aesch: Hauptstrasse 33
Ettingen: Hauptstrasse 16
Therwil: Baslerstrasse 41

Telefon **061 751 16 15**
Telefon **061 721 10 50**
Telefon **061 721 10 50**

DANGGE!

**AN DIE ZAHLRICHE SPONSORE
UND GÖNNER wo UNSER FASNACHT
AU IN SCHWIIRIGERE JOORE SO
GROSSZÜGIG UNTERSTÜTZE UND
MIT IHREM BIITRAG DÄ ALASS
ÜBERHAUPT MÖGLICH MACHE!**

**MIR BITTE UNSER LÄSERSCHAFT,
BI DR NÖGGSCHTE GLÄGEHEIT
UNSERI INSERÄNTE UND
FASNACHTSSYMPATHISANTE
Z'BERÜCKSICHTIGE.**

S'KOMITEE WÜNSCHT ALLNE E TOLLI FASNACHT 2022 UND BLIBET GSUND!



Heizungstechnik ■ Sanitärtechnik

Moret-Brodmann AG

4114 Hofstetten Tel. 061 731 30 36

www.moret-brodmann.ch

Heizungen – Wärmepumpen – Sanitär – Badumbau

R. Moret / A. Brodmann / P. Weikard



WE WANT YOU!



Mir sueche dringend **Schlagzüger**
und **Sousaphonische**. ... aber au
anderi Instrumänt sind natürlich
härzlich willkomme!

Mir sind e ufgstellti Gugge, miteme breite
und vielfältige Repertoire und
konzentriere uns hauptsächlich uf Uftritt
rund um d'Ettiger Fasnacht.

Hesch Luscht zum mitmache oder willsch
no witeri Informatione? Denn mäld di bi
unserer Präsidäntin:

Sévérine Gorrengourt:
079 720 69 14, s.gorrengourt@gmx.ch



**Gugger
Fasnacht**

**D'GUGGER-FASNACHT
GITS NATÜRLICH AU ONLINE!**



GuFa -
Gugger Fasnacht



@guggerfasnacht



gufa.ch



**UND MOMENTAN ISCH S'GUFA-APP WIDR IN
ÜBERARBEITIG. LUEGET ALSO VOR DR FASNACHT
NO IN APP-STORE OB MES SCHO CHA ABELADE.**



Fasnachtskomitee Eettingen





GEILE-SIECH-ZERTIFIKAT
GEILI-SIECHIN-ZERTIFIKAT



Name: _____

Gugger/in

Fasnächtler/in

Bitte nur zueträffends achrüzle!



Nur mit aktuellem
Fasnachtsabzeiche gültig